

# A G U R R A K



(NEURE LLOBA FRAI EUSEBIO CHINATIK BERE AMARI KANTETAKO IPIÑIAK)

Agur Euskalerriko lur beti berdiak  
Mendi, ach, lan, iturri, arro ta itzalpiak,  
Agur ola-errotak, baserri ta erriak,  
Errekacho, erreka, ta erreka errimiak,  
Ekarri nau Chinara egarri erriak,  
Argitzera errukarri errurik bageak.

Ain urrin etorteko urten nebanean,  
Agur bat egin neban samurra echean,  
Arrezkero amarik eztakust aurrean  
Baiña gogoratzen jat goizean goizean,  
Jaunari eskatzeko meza emotean,  
Bizi dedilla ondo baita ill bakean.

Bizi zaitetz bai, ama, euskaldun lurrean,  
Euskaldun oitura ta euskaldun legean;  
Euskalerrira atzera eltzen nazanean,  
Billatuko al zaitut osasun onean,  
Baiña agur ordura arte, agur bitartean,  
Agurtu arren, ama, zaukat biotzean.

FELIPE ARRESE TA BEITIA.

